



Uunga siunnersuut: Kalaallit Nunaanni aalisarnermi pisuussutini akitsuusersuineq pillugu Inatsisartut inatsisaat nr. xx, xx. xxx 2017-imeersoq

(Aningaasaqarnermut Akileraartarnermullu Naalakkersuisoq)

Naalakkersuisut sinnerlugit, Kalaallit Nunaanni aalisarnermi pisuussutini akitsuusersuineq pillugu Inatsisartut inatsisissaannik saqqummiunneqartumut Partii Naleqqamiit imatut oqaaseqassaagut.

Kalaallit Nunaat aallaavigalugu aalisarnikkut isertinneqartunik, Kalaallit Nunatta anner-tunerusumik pissarseqataanissaa siunnersuummi anguniarneqartut paasivarput. Taassumalu siunnersuutip siunertaa isumaqatigilluinnarparput.

Allatulli anguniarneqarsinnaanera eqqarsaatsissiissutigisullutigu, Assersuutigalugu pisuussutigit immamik aallaavillit avammut niuerutiginerini Nunat selskab-illu akunnermiliuttut Nunani Allaniit taamaatinneqartariaqartut, pissutigalugu Nunatsinnit taakkununga Nunanut akunnermiliuttunut tunineqartarnerini akit appassisut aallaavigineqartartut ilisimaneqalereermat, taakkulu avaqqullugit Kalaallit nunatsinnit pisisussanut toqqaannartumik ingerlatinneqartalernissaat anguneqartariaqalerpoq.

Taamatut aqqissuussigutta Kalaallit Nunatsinni aningaasat kaaviartinneqartut annertuumik qaffannissaat qularutissaanngimmat.

Kalaallit Nunatsinnut tulaassuisut pisaminnik aalisarnermeersunik akitsuuserneqannginnissaat piumasaraarput pissutsit atugassarititaasut taamaakkallartillugit.

Taamaattumik Inatsisissatut siunnersuutigineqartumi §3. Imm. 2. Peerneqarnissaa kissaa-tigaarput, taarsiullugu tunisassiorfiit tunisassiaasa nunatsinniit annisinninnerini, avammullu akunnermiliuttunullu niuertut taakkuusariaqartut akitsuusiiffigineqartussat.

Taamatut oqaaseqarluta siunnersuut ataatsimiititaliamut sussassaartumut aappassaaniinginnerani ingerlatinneqarnissa eqqarsaatsissiissutigut ilanngullugit inersuupparput, ataatsimiititaliallu sulilluarnissaanik kissaallugu.

Henrik Fleischer